



**Commentarivs Pavli Bernriedensis, Antiqvi Scriptoris, De
Vita Gregorii VII. Pontif. Max.**

Paulus <Bernriedensis>

Ingolstadii, 1610

XVI. De Epistola Ludouici & Lotharij Regum ad Nicolaum I. Pontificem.

[urn:nbn:de:hbz:466:1-65381](#)

zolum Crassum, Imperatorem; sed Regem. Nam Epistola 255. inscriptio est: *Carolo glorioſo Regi.* Deinde, Baronius hanc Epistolam ad Carolum Crassum Imperatorem scriptam dixit; non quod tunc eſſet Imperator; ſed quia poſtea Imperator fuit; vñctus & coronatus Anno DCCC. LXXXI. ipſo Natali Redemptoris nostri. Si dicam: Erasmus ſæpius ſcripſiſſe ad Imperatorem Ferdinandum; nequaq; ſignificare volo, Ferdinandum fuſſe tunc Imperatorem, quando ad eum Erasmus ſcripſiſſe; ſed eum, ad quem ſcripſiſſe, fuſſe aliquando Imperatorem. Sic Vadianus Consul S. Galli, fuit professor Viennensis, non vtiq; tunc, quando erat consul Sangallensis; ſed alio tempore. Eadem eſt hic ratio. Ioannes Papa ſcripſiſſe dicitur ad Carolum Crassum Imperatorem Epistolam 255. non quod tunc Imperator eſſet, ſed quia ad eum ſcripſiſſe, qui poſtea Imperator factus eſt. Ex qua obſeruatione omnes Calvinianæ criminaciones in nebulam euaneſcunt.

CAPVT XVI.

*De Epiftola Ludouici & Lotharij Regum,
ad Nicolaum I. Pontif.*

RECITATVR à Baronio Tom. 10. Anno Christi DCCC. LX. Qua implorant duo Reges opem Romani Pontificis, ut concerceantur, qui pacem initam turbare tentent, pactisque ac conuentis manere nolint. Calvinisti nostri ſtomacho haud ſatis arridet hoc factum; quia non niſi grauati ferre potest, quando conſpicatur, Reges ad Pontificem Maximum, tanquam ad

O. 2. com-

communem totius Christiani orbis patrem, confugisse; & ab illo rebus afflictis vel affligrēdīs subſidium postulasse. Et quidem ſumma animi ſubmiſſione, tantæque ac tam ſublimis auctoritatis inſigni reuerentia; & honorificentissimis elogis, vt Ludouicus & Lotharius fecerunt, qui Nicolaum Papam vocant. I. Beatissimum & ſanctissimum (non ergo habuerunt pro Anti-chrīſto) II. Totius sancte Dei Ecclesie, Pontificem & uniuersalem Papam. III. Officium Nicolai appellant ſanctissimum Apoſtolatum. IV. Se ſpirituales & deuotissimos filios. V. Qui almiſluam paternitatem Papæ toto cordis affectu amplexentur. VI. Qui deſiderent paratiſimi exiſtre in Pontificis obſequiis & utilitatibus. VII. Qui nihil magis cupiant, quam audire & videre Pontificis ſeffitatem. VIII. Christum Apoſtolatus apicem (Nicolai) in omnibus mundi partibus ſalubriter proſuturum preelegiffe. IX. Et almiſluo virtutum diademate decoraffe. X. Eique generalem ſuigregis commiſſiſe ſollicitudinem. XI. Nicolaum, ea qua verbis docet, ſanctissimis exemplis proſequi. XII. Cuius sancta paternitati Ludouicus & Lotharius, mente & corpore ſe humiliter committunt. XIII. Et ſuppliciter obſecrant, eius ſanctissimis precibus, apud illum, qui Pontifex eſt in aeternum, commendabiles fieri. XIV. Optant Reges multipli desiderio, ut, poſtquam de pio Nicolai ſtudio & vigilantiſima paſtorali cura aliiquid hauerunt, quem absentem mente venerantur, aliquando preſentem diuina largitione dulciter amplexentur. XV. Et ad ſacra veſtigia eius, Christianissimorum Principum more, prouoluti, recreari mereantur. XVI. Idem Reges pura mente diſpoſuerunt ſanctorum Apoſtolorum limina, & Nicolaui Papæ deſiderantissimam ac ſanctissimam paternitatem humiliter & reuerenter viſitare. XVII. Optant, ut Apoſtolicæ

stolicæ auctoritatis iubar, hoc est, Nicolaus Papa, propter generalem sollicitudinem ditiones ipsorum inuisit; ut quos nulla mouent charitatis viscera, Apostolica inuestio ad censuram Ecclesiasticam venire compellat. XVIII. Sanctissimos Nicolai predecessores per suam presentiam (in Galliis & alibi) ac pium laborem plurima correxisse; imo per legatos ac literas absentes corpore, sed Spiritu sancto praesentes, innumera, quæ in abruptum peruersitatis lapsa fuerant, reuocantes, ad rectum iustitie tramitem reduxisse. XIX. Testantur Reges, se sancta Sedi Apostolorum Principis, & Pontificis ab omnibus reuerenda auctoritati humilem subiectiōnem unanimes modis omnibus obseruare velle. XX. Et Papæ collatam diuinitus immunitatem salubriter tueri decreuisse. XXI. Precantur, quasi ad sacra Nicolai vestigia prouoluti propter amorem Dei & reuerentiam beati Petri, ut sancta eius paternitas nihil sinistrum de ipsis credere velit.

Hæc & similia ad Nicolaum Pontificem Reges Ludouicus & Lotharius; An non hæc omnia spiritum Witebergensem & Geneuensem spirant? An non dilucidos sunt argumento, Ludouicum & Lotharium fuisse Caluinistas; aut certè Lutheristas? quibus proprium, scilicet, est huiusmodi encomiis Pontificiam potestatem celebrare, vt ex Lutheri & Caluini Tomis manifestum est.

Caluinista dicit; non esse mirandum, Reges istos ad Pontificem configuisse; non ad Imperatorem, qui tum erat, Ludouicus secundus, id enim factum more majorum. Omnidò, more majorum, quia vt tu ipse fateris & loqueris; iam antea Reges ob religionis Ecclesiæ reuerentiam, in Pontificem Romanum compromittere solebant, eiwq; censuram Ecclesiasticam recognoscere. Mentitur Caluinista id factum impro-

uida quadam consuetudine. Improuidi ergo fuêre Carolus Magnus, Ludouicus Pius, Ludouicus & Lotharius, de quorum Epistola sermocinamur, & tot alij Reges ad Apostolicam Sedem, quasi ad sacram ancoram, fugere consueti. Soli illi prouidis accenseri debent, qui nunc ex antris Lutheranis & Caluinianis Papam allatrant, & quasi Antichristus esset, infamant.

Addit Caluinista, hoc etiam accidisse sacerdotum culpam, qui neglegerant à lingua nostrâ à lingua latina commercio penderint. Respondeo, me nuspia haec tenus legisse, Reges & Principes Pontifici supplices factos esse, quod Pontifex loqueretur Latinè, non Francicè, aut Germanicè; omnes testantur, se id facere, cù quod sit communis pater omnium Christianorum, & vniuersalis pastor totius Ecclesiæ, cui Deus generalem omnium curam commiserit.

An mihi, inquit Caluinista, ex huiusmodi submissionibus & recognitionibus Regum & Principum exstrues atque confirmabis Pontificis Romani potestatem atq; dominatum, qua pretendentur, in Regnum Germaniae, Gallie & Lotbarin-
gia? De temporali potestate Pontificis in regna, nullum verbum fecit Baronius eo loco, ubi Epistolam Ludouici & Lotharij Regum recitat. Solùm hoc euincere voluit; Papam à Regibus pro Patre omnium communihabitu, cuius munus sit interfilios pacem facere; cōseruare, & eniti, vt ab iniuriis sibi mutuo inferendis abstineant; suoque quilibet contenti viuant; nec alienis violentas manus iniificant; vt Carolus Maior faciebat, de cuius rapacitate & pastrorum obliuione duo
isti Reges apud Nicolaum Papam querelas deposuerant.

CAPVT